



CONCELLO DE MESÍA (A CORUÑA)

15685 XANCEDA C.I.F.: P-1504800 B Telf. (981) 68 70 01 - Fax 68 70 69

ACTA DA SESIÓN CONSTITUTIVA DO CONCELLO DE MESÍA CELEBRADA O DÍA 17 DE XUÑO DE 2023

CONCELLEIRO/AS ELECTOS/AS:

PSdeG-PSOE :

D. Mariano Iglesias Castro.
D^a Pilar Sánchez Ulloa.
D. Gervasio Sánchez Barreiro.
D. José Pardo Álvarez.
D. José Manuel Blanco López.
D^a María Amparo García Pernas.
D. Manuel Méndez Remeseiro.
D. José Eliseo Bello Vázquez.

PP:

D. José Alfonso Carro Rioboo.
D. Jesús Mosquera Manteiga.

BNG:

D^a Beatriz Louro López.

SECRETARIO-INTERVENTOR:

D. Eladio Bendaña Pardo.

En Mesía, a 17 de xuño de 2023, sendo as doce horas, na Casa do Concello, logo da convocatoria para o efecto, reuníronse, en primeira e pública convocatoria, os señores concelleiros que se relacionan na marxe, co obxecto de celebrar sesión constitutiva da Corporación Municipal.

A tódolos asistentes entregáraselles copia da Orde do Día, cos asuntos para tratar, poñéndose á súa disposición o expediente da sesión e cumprindo os trámites esixidos pola normativa vixente. Pásase a continuación a tratalos seguintes asuntos incluídos na Orde do Día.

1. CONSTITUCIÓN DA CORPORACIÓN.

Aberta a sesión, toma a palabra o Secretario da Corporación manifestando que na presente sesión vaise proceder á constitución da Corporación resultante das pasadas eleccións municipais celebradas o día 28 de maio de 2023, así como á elección do Alcalde. O artigo 195 da Lei Orgánica 5/1985, de 19 de xuño, Orgánica do Réxime Electoral Xeral, dispón:

“1. As Corporacións municipais constitúense en sesión pública o vixésimo día posterior á celebración das eleccións, salvo que se houberse presentado recurso contencioso-electoral contra a proclamación dos concelleiros electos, en cuxo suposto constitúense o cuadraxésimo día posterior ás eleccións.

2. A tal fin, constitúese unha Mesa de idade integrada polos electos de maior e menor idade, presentes no acto, actuando como secretario o que o sexa da Corporación.

3. A Mesa comproba as credenciais presentadas, ou acreditacións da personalidade dos electos con base nas certificacións que ó Concello houberse remitido a Xunta Electoral de Zona.

4. Realizada a operación anterior, a Mesa declarará constituída a Corporación si concorren a maioría absoluta dos concelleiros electos. En caso

contrario, celebrárase sesión dous días despois, quedando constituída a Corporación calquera que fose o número de concelleiros presentes.”

Continúa O Sr. Secretario dicindo que todos os concelleiros proclamados electos asisten á presente sesión, polo que concorre a maioría absoluta do número de concelleiros electos esixida na lei. Así mesmo todos cumpriron co requisito de presentación da súa credencial, requisito esixido polo artigo 7 do Real Decreto 2568/1986, de 28 de novembro, polo que se aproba o Regulamento de Organización, Funcionamento e Réxime Xurídico das Entidades Locais, e tamén presentaron as declaracións de bens e actividades relativas ó Rexistro de Intereses ás que fai referencia o artigo 75.7 da Lei 7/1985, do 2 de abril, reguladora das bases do réxime local.

Procédese de seguido a constituír a Mesa de Idade, que estará integrada polos concelleiros presentes de maior e menor idade, que son, respectivamente, D. Gervasio Sánchez Barreiro e D. Jesús Mosquera Manteiga. Presidirá a Mesa o concelleiro de maior idade, D. Gervasio Sánchez Barreiro, actuando como secretario da Mesa quen o é da Corporación.

Comprobadas as credencias presentadas dos electos que deben forma a Mesa de Idade con base na certificación que ó Concello remitiu a Xunta Electoral de Zona, declárase constituída a Mesa de Idade por estar presentes na sesión as persoas a quen corresponde formalmente.

Procédese por parte da Mesa á comprobación das credenciais presentadas polos concelleiros electos con base na certificación que ó Concello remitiu a Xunta Electoral de Zona.

Estando comprobadas as credencias, sinala o Sr. Secretario que o artigo 108.8 da Lei Orgánica 5/1985, de 19 de xuño, Orgánica do Réxime Electoral Xeral, establece que *“No momento de tomar posesión e para adquirir a plena condición dos seus cargos, os candidatos electos deben xurar ou prometer acatamento á Constitución, así como cumprimentar os demais requisitos previstos nas Leis ou regulamentos respectivos.”*

Para a toma de posesión utilizarase a fórmula de xuramento ou promesa recollida no Real Decreto 707/79, de 5 de abril, ante un exemplar da Constitución: *“¿xurades ou prometedes pola vosa conciencia e honra cumprir fielmente as obrigas do cargo de concelleiro do concello de Mesía con lealdade ao Rei e gardar e facer gardar a Constitución como norma fundamental do Estado?”*

De seguido, o Sr. Secretario vai nomeando ós Sres/as Concelleiros/as, segundo a orde establecida na certificación remitida pola Xunta Electoral de Zona, aos efectos de que presten xuramento ou promesa contestando:

D. Mariano Iglesias Castro, sí, xuro; D^a Pilar Sánchez Ulloa, sí, prometo; D. Gervasio Sánchez Barreiro, sí, prometo; D. José Pardo Álvarez, sí, xuro; D. José Manuel Blanco López, sí, xuro; D^a María Amparo García Pernas, sí, prometo; D. Manuel Méndez Remeseiro, sí, prometo; D. José Eliseo Bello Vázquez, sí, prometo; D^a Beatriz Louro López, sí, prometo; D. José Alfonso Carro Rioboo, sí, xuro; D. Jesús Mosquera Manteiga, sí, xuro.



CONCELLO DE MESÍA (A CORUÑA)

15685 XANCEDA C.I.F.: P-1504800 B Telf. (981) 68 70 01 - Fax 68 70 69

Téndose cumprido o disposto no artigo 195 da Lei Orgánica 5/1985, de 19 de xuño, Orgánica do Réxime Electoral Xeral, e no Real Decreto 707/1979, de 5 de abril, a Mesa de Idade declara formalmente constituída a Corporación Municipal de Mesía.

O Sr. Secretario pon de manifesto que, de acordo co establecido no artigo 36.2 do Real Decreto 2568/1986, de 28 de novembro, polo que se aproba o Regulamento de Organización, Funcionamento e Réximen Xurídico das Entidades Locais, están a disposición de todos os membros da Corporación os xustificantes económicos, acta de arqueo así como a documentación relativa ó Inventario de Bens da Corporación.

2. ELECCIÓN DE ALCALDE.

De seguido procederáse á elección do Alcalde, de acordo co procedemento previsto no artigo 196 da Lei Orgánica 5/1985, de 19 de xuño, Orgánica do Réxime Electoral Xeral, que establece:

“Poden ser candidatos todos os concelleiros que encabecen as súas correspondentes listas.

Si algún deles obtén a maioría absoluta dos votos dos concelleiros é proclamado electo.

Si ningún deles obtén dita maioría é proclamado Alcalde o concelleiro que encabece a lista que obtivera o maior número de votos populares no correspondente municipio. En caso de empate resolveríase por sorteo.”

Manifesta o Sr. Secretario que o sistema normal para a adopción de acordos é o ordinario de man alzada. Non obstante si se quere elixir ó Alcalde por votación nominal ou secreta requirirá a solicitude de algún grupo neste sentido e ser aprobado por maioría simple ou absoluta, respectivamente, dos concelleiros presentes. Non habendo manifestacións ó respecto, vótase a man alzada. En canto ás candidaturas á Alcaldía, son candidatos todos os concelleiros que encabezaron as súas correspondentes listas:

D. Mariano Iglesias Castro, que encabeza, como independente, a lista do Partido dos Socialistas de Galicia, PSdeG-PSOE

D. José Alfonso Carro Rioboo, que encabeza a lista do Partido Popular.

D^a Beatriz Louro López, que encabeza a lista do Bloque Nacionalista Galego.

Procédese á votación pola orde inversa ao número de votos obtidos.

Votos a favor de D^a Beatriz Louro López: un (1) voto.

Votos a favor de D. José Alfonso Carro Rioboo: dous (2) votos.

Votos a favor de D. Mariano Iglesias Castro: oito (8) votos.

En consecuencia queda proclamado Alcalde o concelleiro que obtén a maioría absoluta de votos, D. Mariano Iglesias Castro, candidato que encabeza, como independente, a lista do PSdeG-PSOE.

De seguido procede o xuramento ou promesa do Sr. Alcalde para o seu cargo conforme á fórmula de xuramento ou promesa recollida no Real Decreto 707/79, de 5 de abril, ante un exemplar da Constitución: ¿xurades ou prometedes pola vosa conciencia e honra cumprir fielmente as obrigas do cargo de Alcalde do concello de Mesía con lealdade ao Rei e gardar e facer gardar a Constitución como norma fundamental do Estado? O Alcalde xura o seu cargo.

O Sr. Presidente da Mesa entrégalle o bastón de mando ao Sr Alcalde, quen asume a partir deste momento a presidencia da sesión, manifestando que quere dar a palabra aos restantes grupos municipais, comezando pola orde inversa ao número de votos.

Toma a palabra a Sra. Louro, agradecendo a todos os veciños que a votaron e comprométéndose a defender os intereses da veciñanza de Mesía e do pobo galego.

Toma a palabra de seguido o Sr. Carro, agradecendo tamén aos veciños que lle votaron e manifestando que vai a axurdarlles nas necesidades que teñan.

Toma a palabra o Sr. Alcalde, agradecendo a quenes lle votaron, contribuíndo a facer un dos gobernos con máis apoio da comarca e da provincia, entendendo que significa que algo ben estarase a facer. Continúa dicindo que a pesar da maioría, continuará a xenerosidade do grupo de goberno coa oposición e agradece tamén aos concelleiros que estiveron na anterior corporación e a todos os compañeiros, electos ou non, o seu esforzo, colaboración e apoio, e tamén á súa familia, en particular á súa muller, xa que cando un se dedica á política moitas veces é difícil conciliar. Conclúe o Sr. Alcalde dando a benvinda a todos, manifestando que ten as portas abertas para as propostas que se acheguen a favor dos veciños e desexando sorte a todos na noble tarefa que os veciños lles encomendan.

Non habendo máis asuntos que tratar, o Sr. Alcalde, sendo as doce horas e vinte minutos, levanta a sesión, da que eu, Secretario - Interventor, certifico.

Visto e Prace,